



Bosna i Hercegovina
Federacija Bosne i Hercegovine
KANTON SARAJEVO
Općina Hadžići
JAVNA USTANOVA
OSNOVNA ŠKOLA "HADŽIĆI"

Босна и Херцеговина
Федерација Босне и Херцеговине
КАНТОН САРАЈЕВО
Општина Хаџићи
ЈАВНА УСТАНОВА
ОСНОВНА ШКОЛА "ХАЏИЋИ"

Bosnia and Herzegovina
Federation of Bosnia and Herzegovina
CANTON SARAJEVO
Municipality of Hadžići
PUBLIC INSTITUTION
PRIMARY SCHOOL "HADŽIĆI"

тф: +387 (0) 33 408-810, а: Zlatnih ljljana 57, 71240 Hadžići, BiH s: www.oshadzici.edu.ba m: oshadzici@oshadzici.edu.ba id: 4202256020005

ŠKOLSKI ODBOR

Na osnovu člana 57. Zakona o zaštiti ličnih podataka Bosne i Hercegovine ("Službeni glasnik BiH", broj: 12/25), člana 108., a u vezi s članom 6. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), člana 108., a u vezi s članom 6. Pravila JU Osnovna škola „Hadžići“ (broj: 06-49-1-555-01/25 od 09.06.2025. godine) i Odluke o Pedagoškim standardima i normativima za odgoj i obrazovanje u osnovnoj i srednjoj školi („Službene novine Kantona Sarajevo“, broj: 3/25 i 29/25), Školski odbor JU OŠ „Hadžići“ Hadžići na 42. sjednici održanoj dana 26.12.2025. godine, donosi

P R A V I L N I K

O VIDEONADZORNOM SISTEMU U JU OSNOVNA ŠKOLA „HADŽIĆI“ HADŽIĆI

I - OPĆE ODREDBE

Član 1.

- (1) Pravilnikom o videonadzornom sistemu u JU Osnovna škola „Hadžići“ Hadžići (u daljem tekstu: Pravilnik) definiše se uspostava, pravni osnov, svrha i obim podataka koji se prikupljaju, način i vrijeme čuvanja video sadržaja te zaštita snimljenih podataka.
- (2) Ovaj Pravilnik primjenjuje se na odgovarajući način u skladu sa zakonskim i podzakonskim propisima kojima se uređuje i reguliše zaštita ličnih podataka i provođenje sistema videonadzora.

II - II ZAKONSKI OKVIR

Član 2.

- (1) U skladu s članom 57. stav (1) Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), praćenje određenog prostora putem videonadzora dopušteno je samo ako je nužno radi zaštite lica i imovine i ako interesi nosioca ličnih podataka ne preovladavaju nad tom svrhom.
- (2) Videonadzorom mogu biti obuhvaćeni isključivo prostori ili dijelovi prostora čiji je nadzor nužan radi ostvarivanja svrhe iz stava (1) ovog člana.

Član 3.

U skladu s članom 6. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), u školi se može uvesti videonadzor u cilju zaštite sigurnosti učenika, uz poštivanje odredbi zakona kojim se uređuje zaštita ličnih podataka.

III - SVRHA VIDEONADZORNOG SISTEMA

Član 4.

- (1) Videonadzor omogućava praćenje događaja u području nadziranja s udaljenog i skrivenog mjesta. Nadgledanje se provodi putem monitora, a događaji se snimaju na uređaj za pohranu podataka (hard disk) s mogućnošću njihovog pregledavanja u određenom vremenskom razdoblju.
- (2) Cilj uspostavljanja video nadzornog sistema je poboljšanje uvjeta izvođenja nastave u školi, sprečavanje maloljetničke delikvencije i nasilja, te preventivno djelovanje kroz psihološki utjecaj na treće osobe koje se kreću u okruženju škole s ciljem lošeg utjecaja na učenike.
- (3) Sistem videonadzora, uz navedeno u stavu (2) ovog člana, koristi se i za sprečavanje protupravnih radnji usmjerenih prema školskoj imovini od krađe, oštećenja, uništenja i slično.
- (4) Snimke koje su snimljene sistemom video nadzora mogu se isključivo koristiti za navedeno u stavu (2) i (3) ovog člana.

Član 5.

Dozvoljena je upotreba videonadzornog sistema u smislu vođenja evidencije u skladu sa odredbama Zakona o zaštiti ličnih podataka Bosne i Hercegovine („Službeni glasnik BiH“, broj: 12/25).

IV - OBIM, NAČIN I VRIJEME ČUVANJA PODATAKA

Član 6.

Sistem videonadzora Škole obuhvata:

- a) Unutrašnje kamere i vanjske kamere;
- b) Nadzorne kamere imaju IR noćno snimanje i osjetljive su na pokret;
- c) Snimljeni podaci snimaju se na video snimaču najduže 30 dana od dana nastanka, a nakon navedenog roka snimci se trajno brišu

Član 7.

- (1) Unutrašnje kamere pokrivaju glavne koordinate, hodnike i komunikacije unutar škole..
- (2) Vanjske kamere pokrivaju dvorište i ulaz u školu.

Član 8.

Videonadzorni sistem iz člana 6. ovog Pravilnika koristi se u svrhe predviđene članom 4. ovog Pravilnika.

Član 9.

- (1) Na ulazu u školu i oko školskog dvorišta postavljeni su vidljivi znaci obavijesti: OBJEKAT POD VIDEO NADZOROM.
- (2) Znak na samom ulazu u školu sadrži i kontakt telefon preko kojeg se mogu dobiti opće informacije o videonadzoru.

V - ZAŠTITA PRAVA UČENIKA, RADNIKA I OSTALIH OSOBA

Član 10.

- (1) Lični podaci svih kategorija lica obuhvaćenih sistemom video nadzora čuvaju se na način propisan zakonom, ovim Pravilnikom i Planom sigurnosti ličnih i povjerljivih podataka.

- (2) Direktor škole dužan je na vidnom mjestu istaći obavještenje o vršenju nadzora i kontakt putem kojeg se mogu dobiti pojedinosti o videonadzoru.
- (3) Uređaj za snimanje (hard disk) i administrativni centar kontrole i obrade podataka nalazi se u zbornici škole, zaključan ulaznom lozinkom koju posjeduje direktor škole i koji je kontrolor videonadzornog sistema škole.
- (4) Direktor škole može ovlastiti pomoćnika direktora, pedagoga, sekretara, EMIS odgovornu osobu, rukovaoca nastavnom tehnikom i drugog uposlenika da imaju pristup videonadzornom sistemu škole (u radnom vremenu ili pristup arhivi podataka) u svojstvu obrađivača podataka

Član 11.

- (1) Direktor škole, kao ni bilo koja druga osoba, ne smije koristiti podatke o osobama prikupljene sistemom videonadzora izvan njihove zakonske namjene, a raspolaganje snimcima dopušteno je samo direktoru škole kao kontroloru videonadzornog sistema.
- (2) Kontrolor je odgovorno lice koje ima pristup monitoringu u realnom vremenu i arhivi videonadzora, te može slobodno da pristupi podacima i obrađuje podatke videonadzora u skladu odredbama Zakona o zaštiti ličnih podataka Bosne i Hercegovine („Službeni glasnik BiH“, broj: 12/25).
- (3) Podatke u smislu stava (2) ovog člana odgovorno lice ima u prostorijama škole ili putem IP veze sa druge lokacije ili mobilnog uređaja.

Član 12.

Pristup administraciji videonadzora, monitoringu i obradi podataka imaju i ovlaštene policijske agencije i Ministarstvo unutrašnjih poslova Kantona Sarajevo uz predočenje validnog naloga.

VI - ZAŠTITA LIČNIH PODATAKA

Član 13.

U skladu s odredbama Zakona o zaštiti ličnih podataka Bosne i Hercegovine („Službeni glasnik BiH“, broj: 12/25), obezbjeđuje se zaštita i obrada ličnih podataka prikupljenih putem videonadzora:

- a) Snimci se pohranjuju putem videonadzora na osnovu kojih se može identifikirati nosilac podataka, predstavljaju zbirku ličnih podataka;
- b) Direktor škole dužan je obezbijediti poštivanje prava na zaštitu privatnosti i ličnog života nosioca podataka;
- c) Direktor škole je dužan obezbijediti da je na vidnom mjestu pri ulasku u školu istaknuto obavještenje o vršenju videonadzora i kontakt telefon, na način kako je to precizirano članom 9. ovog Pravilnika;
- d) Direktor škole, osobe koje ovlasti direktor škole, kao ni bilo koja druga osoba, ne smiju koristiti podatke o osobama prikupljene videonadzornim sistemom zaštite izvan njihove zakonske namjene.
- e) Videozapis se čuva 30 dana od dana nastanka nakon čega se briše.

Član 14.

Evidencija nad zbirkom ličnih podataka u smislu tehničke izvedbe videonadzornog sistema (arhibski zapis) definiše se odredbama Zakona o zaštiti ličnih podataka Bosne i Hercegovine („Službeni glasnik BiH“, broj: 12/25).

Član 15.

Pravilnik podrazumijeva poštivanje člana 30. Zakona o radu („Službene novine Federacije BiH“ broj: 26/16, 89/18, 23/20 - odluka Ustavnog Suda, 49/21, 44/22 i 39/24), koji se odnosi na postupanje sa ličnim podacima radnika.

VII - VI PRIJELAZNE I ZAVRŠNE ODREDBE

Član 16.

Javnost se upoznaje sa sadržajem ovog Pravilnika putem zvanične web stranice Škole.

Član 17.

Autentično tumačenje ovog Pravilnika daje isključivo Školski odbor.

Član 18.

Ovaj Pravilnik stupa na snagu danom donošenja i biće objavljen na Oglasnoj ploči i web stranici Škole

Član 19.

Danom stupanja na snagu ovog Pravilnika prestaje da važi Pravilnik o videonadzornm sistemu u JU Osnovna škola „Hadžići“ Hadžići, broj: 96-1/2021 od 28.01.2021 godine.

Hadžići, 26.12.2025. godine

Djelovodni broj: 06-49-1-1170-1/25

**PREDSJEDNICA
ŠKOLSKOG ODBORA**

Sabina Fatić, prof. pedagogije

Dostaviti:

1. Oglasna ploča škole
2. Web stranica škole
3. a/a